



Ilageeqarnikkut qanoq siuarsaasinnaanerluta, oqaluffeqarfinnilu sulisut atugaat qanoq pitsanngorsarsinnaaneri pillugu apeqquteqaat aallaavigalugu oqallisissiasatut siunnersuut.

(Inatsisartunut ilaasortaq Aqqalu C. Jerimiassen, Atassut)

Qujanaq Inatsisartunut ilaasortaq Aqqalu C. Jerimiassen siunnersuummut.

Oqaluffik upperisarlu inummiippoq. Upperisakkut kiffaanngissutsip qulakkeeqqavaa, kikkulluunniit sugaluartumik upperisaqarniarlutik kissaateqarsinnaanerat. Puigorneqassanngilarli, Kalaallit Nunaani Ilagiit ukiuni hornorujulikkaani amerlasuuni ataatsimoorfiusimmata, amerlasuullu upperisaqarnertik aammalu Kalaallit Nunaanni Ilagiit iluaqutigisimallugit, inuuneq artornarsigaangat arlaannik peqquteqartumik.

Palasit, ajoqit, pattattut allallu Kalaallit Nunaanni Ilagiinni atorfeqartut allat assigalugit sulinerminni-aammalu akissarsiatigut atugarissaarnissaminnik pisinnaatitaaffeqarput. Tassunga atatillugu pingaartuuvoq qulakkiissallugu, oqaluffiit aserfallatsaaliortuarnissaat, oqummik assigisaannillu pilersoqarnissaa pingitsoorniarlugu.

Aamma sukumiisumik oqallisigisariaqarparput Kalaallit Nunaanni Ilagiit siunissaat, ullumikkut akileraartartunit tamakkiisumik aningaasalersorneqartoq. Taamaattuaannassuaa? Inuit Kalaallit Nunaanni Ilagiinni upperisamit allamik upperisaqartut akilijuaannassappat imaluunniit immikkut ittumik oqaluffimmut akileraartarneq eqqunneqassava?

Qanorluunniit pingaartuuvoq Kalaallit Nunaanni Ilagiit oqaluttuarisaanikkut kulturikkullu innuttaasunut isumaa akuersaassallugu.

Immaqa aaqqiissutaasinnaavoq, Kalaallit Nunaanni Ilagiit Aningaasanut Inatsisikkut tunngaviusumik taperneqartarunik illuutit iliveqarfiillu aserfallatsaaliornerinut, sinnerilu Kalaallit Nunaanni Ilagiit missigersuutaat immikkut oqaluffimmut akileraarusiinikkut isertitassanngorlugit, Kalaallit Nunaanni Ilagiinni ilaasortaannarnik akilernerqartartussamik. Taamaalilluni Oqaluffinnut akileraarut ataqatigiilissaaq Kalaallit Nunaanni Ilagiinni ilaasortaanermut.

Taamaattumik oqartoqarsinnaavoq, innuttaasut, Kalaallit Nunaanni Ilagiinnut ilaasortaanissaminnut kissaateqanngitsut akileraannginnerulaartassasut, Kalaallit Nunaanni Ilagiinnut ilaasortat akileraarutaat ullumikkumiit allannguuteqarani.

Tassalu oqallinnermut Demokraatit isummersuutaat.



DEMOKRAATIT
DEMOKRATERNE